



<<Գարնան գալուստի, մայրության և գեղեցկության տոնի առթիվ Բյուրեղավանի «Արև» մանկապարտեզի ավագ և միջին «Ա» խմբերի սաները ներկայացան գեղեցիկ հանդեսով: Իրենց մայրերին, քույրերին, տատիկներին և մանկապարտեզի անձնակազմին փոքրիկները նվիրեցին բանաստեղծություններ, երգ ու պար: Ավագ խմբի փոքրիկները՝ դաստիարակ Լուսինե Գրիգորյանի գլխավորությամբ, հանդեսին ներկայացան «Մայրս մի բուռ մայր Հայաստան» խորագրով: Երեխաների շուրթերից հնչում էր շիրագյան խոսքն ու մայրիկի հանդեպ անսահման սերը: Միջին խմբի փոքրիկները դահլիճը լցրել էին գարնանային շնչով: Դաստիարակ Մարիամ Ստեփանյանն իր սաների հետ ներկայացրեց «Բարև գարուն» հանդեսը: Երեխաները ցուցադրեցին այն ամենն, ինչ առնչվում էր գարնան հետ. դրվագներ Հովի. Թումանյանի «Անուշ» պոեմից՝ Համբարձման տոնի վերաբերյալ: Հանդեսի ավարտին ներկա կանանց ու աղջիկներին գարնանային տոների առթիվ իր շնորհավորանքը հղեց մանկապարտեզի տնօրեն Էլինա Հայրապետյանը: Նա նշեց, որ մայրությունն ազգություն չի ձանաչում և յուրաքանչյուր երեխայի համար իր մայրը ամենալավն ու թանկն է»:

Շնորհավորանքի ու երախտագիտության իրենց խոսքը հայտնեցին նաև ծնողները:

23.03.16.